



اسلامك نفعنه خادم مقالات
مع التكر قبول ونشر اولونور
يازانك شخصيتي دكل، يازانك اهميتي
تظرفته آيتير
كان يازيلردن شايان قبول كورولنلر:
تاريخ ميراسيله روح ايايلير

محفصل

۱۳۳۸

علمی، ادبی، اجتماعی و شمیریک
شهری مجموعه در

۱۳۴۰ شعبانیه مخصوص نسخه

عدد: ۲۲

اداره خانه سی: آقمرایده
ملا کورانی محله سنده مهر
سوقاغنده ۳ بوسرولوخانه

مرکز توزی:

باب عالی جاده سنده (اتحاد
تجارت) کتبخانه سی

آبونه بدلی:

سنة لکی ۱۲۰ غروش

آلتی آلتی ۶۰

اوج آلتی ۳۰

جلد: ۲

مندرجات:

محفصل علمی و انتقادی: حمل مریم، ولادت عیسی مسئله سی - اسکلیل محمد عاطف: بنی قریظه - مسئله سی -
طاهر المولوی: (دلتی، ولانا) کتابی حقنه - طاهر المولوی: حقیقت محضه
و آبنشتاین - محمد عزت:

محفصل تاریخی: مولویک مناقیدن - فریدون نافذ - شیخ سعدینک آباخان ابله ملاقاتی ونصیحی - طاهر المولوی:
بایلاک - احسان محوی - جنوبی هندستان مسلمانلری: موبلاهلر - سعدی:

محفصل ادبی: کچه لر سرمدی اولنه بدی - شرف الدین - دوشوندم - عبدالعزیز مجدی - معلم ناجی - سعود المولوی:
تخمیس غزل فضولی - طاهر المولوی: مطالعیز غزل - محی الدین رائف - شرقی - م - اور:
سه هت دوشکونلکی - عبدالباقی عزیز:

تبریک:

بوشهرک مبارک داخنده بولونان - و ۱۰۰ بنجی
نسخه ده نصیبانی مندرج اولان الله جلایله برامک است
مرحومه حقنه: تین لولاسی اطف آلهدین متدر

محفصل علمی و انتقادی

حمل مریم و ولادت عیسی مسئله سینه دائر

میرزاسی اسماعیل حق و عمر رضا بکطره: جواب
توحید افکار غزنه سنک (۷) شباط ودها اولکی
تاریخی نسخه لرندده میلایسی اسماعیل حق و عمر
رضا بکترک حمل مریم و ولادت عیسی حقنه کی
مقاله لرینی او قودم: عمر رضا بکک (عیسی نک
باباسی اولدیغنه دائر قرآنده صراحت یوقدر)
اسماعیل حق بکک: (مریمک کامل برانساندن حامله
قالش اولدیغنی سوره مریمک آیتلری صریح
صورتده افاده ایدیور) سوزلرینی قرآن کریمک

بیانات حالیه سینه تماماً مخالف و مغایر بولدم. اساساً
معجزه و قرآن کریمه ایمان و آئی قبول ایلدک لرینی
اعتراف ایتدک لری ایچون بو خصوصیه کی خطا
و یا ضلالت لرینی تصحیح ایتک اوزره قرآن کریمک
حقائق حالیه سنی توضیح ایتک ایسترم. فقط بیجه
کیر مزدن اول شونی عرض ایده ییم که:

قرآن کریمک کلام الله اولدیغنه و بیان یوردیغنی
هر حکمک، خبر و یردیکی هر شئیک حق و دوغری
اولدیغنه اینانوب قبول و تسلیم ایتک اصول دیندن
و اساسات ایماندندر. عکسی ایسه اصول کفردن
معدوددر. هر انسان مسلمان اولمق ایچون بویه اعتقاد
ایتمک شرط و فرضدر. ایلروده بیان اولدیغنی
وجه اوزره حضرت مریمک بشر ایله اصلاً تماس
ایتمکیزین حامله اولدیغنی و حضرت عیسی نک
باباسز دنیا به کلدیکنی قرآن کریم صریح صورتده
خبر و یردیکی ایچون بو مسئله ده اصول دینده

اولدیفندن (خلقه من تراب) نظم جلیلی ایله خلقی آکا نسبت ایدلمشدر .

حضرت حوانك سبب ظاهر یسی آدم علیه السلام اولدیفنی ایچون (وخلق منها زوجها) آیت جلیله سیله خلقی : کا نسبت ایدلمشدر .

سائر انسانلرك سبب ظاهر یسی آباء، نطفه، علقه وسائر اولدیفندن قرآن کریمده خلقتلری آنلره نسبت بیورلمشدر .

حضرت عیسی نك خلقتنده ایسه سبب ظاهری اولان اب ونطفه بشر بولمادیفی ایچون مشارالیه حضرتلری (كلمته القیها الی مریم) نظم مبینی ایله سبب حقیقی اولان قدرت وتكوين الهی یه اضافه قیلنمشدر .

بوندن صوکره اصل مقصده کاهلم : مقصد اصلی خلاصه اوج اساسه راجع اولور .

(۱) حضرت مریمه ارسال اولتان روحك کیمدن عبارت اولدیفنی تعیین .

(۲) حضرت مریمك سبب حملی ایله بکارتی بیان

(۳) حضرت عیسی نك باباسزدنیایه کلدیکنی،

بشرك، ملكك، الله تعالی نك اوغلی اولمادیفی اثبات اولاً شونی عرض ایدیم که :

(روح) لفظی کتاب الله ده معانی کثیره یه اطلاق اولنمشدر .

از جمله (فاذا سویته ونفخت فیهِ من روحی)

آیت جلیله سنده حیات کامله بدنیه، اعمال و افعال اختیاریه نك مبدائی اولان شیئه اطلاق بیورلمشدر .

(اوحینا الیک روحاً من امرنا) نظم مبینی ایله

قرآن کریمه، (یلقی الروح من امره علی من یشاء

من عباده) نظم جلیلی ایله وحیه، (نزل به الروح

الامین) آیت جلیله سیله ده جبرائیل علیه السلامه

ودها بشقه معناره اطلاق اولنمشدر .

بناءً علیه (روح) لفظی بومعنارده لفظ مشترکدر .

داخلدر، آنك ایچوندرکه فرق اسلامیه دن هیچ بری بونك خلاقه قائل اولمش دکلدر . علاوه اولمق اوزره قرآن کریمك خلقت خصوصنده کی نقطه نظری ده اجمالاً بیان ایدم :

قرآن کریمك ارباب عقوله تفهیم ایلدیکی حقائق عالیله جمله سندندرکه : بالعموم اسباب ایله مسبباتك خالق و آنلرك وجوده بقا و عدمنده بالذات و یا بالواسطه مؤثر حقیقی آنحق واجب تعالی حضرتلری اولوب بشقه هیچ برشیئك دیگر برشیده بالذات و بالاستقلال تأثیری یوقدر .

اسباب - ارباب فنك زعم ایدکلری کی - مقتضای ذات و طبیعیه دکل، آنحق الله تعالی حضرتلرینك مقتضای حکمتی اولمق اوزره آنده خلق ایلدیکی قوای مؤثره ایله تأثیر ایدر . فقط آنك تأثیری ده مشیت الهیه ایله مشروطدر . خالق تعالی حضرتلری - ایلک خلقت بشریه ده اولدیفنی کی - مسبباتی اسباب معتاده واسطه سی اولمقسزین ده خلق ایدر . زیرا بوده مقتدورات الهیه جمله سنده داخلدر .

شوحالده هر حادث، بریسی جناب حقك خلق ایلدیکی اسباب معتاده ظاهره، دیگر کی ده قدرت و اراده الهیه دن عبارت اولمق اوزره ایکی سبب مؤثرک تحت تأثیرنده وجوده کلیر .

خلقت بشریه ده بویکی اسبابك تأثیریه وجود بولور . شو قدرکه : سبب ظاهرینك تأثیری عادی اولمقله برابر نادراً تبدیل و تحوله معروض قالمقندن خالی ده اوله ناز .

سبب مؤثر حقیقینك ایسه اصلاً تبدیل و تحول ایتمک امکان و احتمالی یوقدر .

مخلوق و حادث اولان هر شی قرآن کریمده اسباب ظاهره سه نسبت اولنمشدر . آنك ایچوندرکه آدم علیه السلامك عناصرندن جزء قالی طوپراق

بر لفظ مشترک کردن استعمال اولدینی مقاماتده
هانکی معناسی مراد ایدلدیکی آکلامق قرائن ودلائله
توقف ایدر . شو حالده موضوع بحثیز اولان
[فارسلنا لیا روحنا] آیت جلیله سنده کی (روح)
لفظندن هانکی معناسی مراد آلهی اولدینی آکلا یوبده
حضرت مریمه کوندرلدیکی بیان بیوریلن روحک
نهدن عبارت اولدینی تعیین ایتکده طبعی قرئن
ودلائل قطعییه توقف ایدر .

بو باده اک قطعی و صریح دلیل سورة آل
عمرانک (اذ قالت الملائكة یا مریم ان الله یشرک
بکلمة منه اسمہ المسیح عیسی ابن مریم - ملائکه
مریمه دیدیکه) ای مریم الله سکا زدن (خطاب کن)
انری اوله رق کلمه ایله مسمی برنجیل پاک تبشیر ایدر .
آنک اسمی مسیح ، عیسی در ، او آنجق مریمک
اوغلیدر .) آیت جلیله سیدر . زیرا بو آیت جلیله
ایله حضرت مریمه من طرف الله برنجیل نجیب
احسان بیوریله جفنی تبشیر ایلین رسول مبشرک
ملک اولدینی صراحة بیان بیورلدیغنه نظر اولکی
آیتده کی (روح و رسول) ک ملائکه جنسندن
اولدینی صورت قطعییه تعیین ایتش اولور .

او (روح) تسمیه اولنان ملکک کیمدن
عبارت اولدینی آکلامق ایچونده بوجه آتی آیات
جلیلهیه مراجعت ایتیمز ایجاب ایدر (نزل
به الروح الامین) و (قل نزلہ روح القدس من ربک)
نظم جلیلری ایله حضرت محمد قرآن کریمی تنزیل
ایلین ملکه (روح) تسمیه اولدینی صراحة
بیان بیورلدیغنه و (من کان عدواً لجلیل فانه نزلہ
علی قلبک باذن الله) قول کریمی ایله ده رسول
اکرم اقدمنزه قرآن کریمی تنزیل ایلین ملکک
(جبرائیل) علیه السلام اولدینی تصریح اولدیغنه
نظراً (جبرائیل) علیه السلامک براسمی ده (روح)
اولدینی تحقق ایتش اولور .

بناءً علیه من طرف الله حضرت مریمه ارسال
اولدینی بیان بیوریلان روحک ، رسول مبشرک
ملک اولدینی و اوملکک ده جبرائیل علیه السلامدن
عبارت بولدینی ثابت اولمش اولور .

شو حالده موضوع بحثیز اولان آیت جلیله
مذکورده کی (روحی) دلائل و قرائندن عاری
اولازق قرآن کریمک اصلاً محتملی اولمیان
بشر معناسه حمل ایتک مردود و باطلدر . چونکه
شارعدن بر نقل صحیح بولمقدججه و دلیل عقلی
قطعی - نشأت ایدن بر ضرورت اولمادقجه
کتاب الله ایله سنت رسول الهی ظاهرندن صرف
ایتک حرام و ضالاندر .

مابعدی وار

اسکلیل

محمد عاطف

نبی قرینظه مسئله سی [*]

دوقور عبدالله جودت بکک چیقاردینی
اجتهادک ۱۴۴ نومرولو نسخه سنده (مذهب
بهاء الله - دین ام) سرلوجه لی بر باش مقاله وار .
مجموعه صاحبی ؛ بو مقاله ده بهائیلکک « نیر دین
مرحمت و محبت » اولدینی سوبله دکن صوکر
« بیر دین تعدی و خصومت اولان دین ، هانکی دیندر ؟ »
دیهه صوروور . حضرت عیسانک (بریکزی
سه ویکز) دیدیکنی ، رحمة للعالمین اولان علیه
الصلوة اقدیمزک (ای اللهم قوللری ! هب قاردهش
اولکز) بیوردیغنی نقل ایدرک :

« بونلر بویه اولماقله برابر موقوفات تاریخیه
عیسویتکده ، محمدیتکده بو رحیمانه پرنسپلر
اوزرنده قالمادیغنی دهها قاطع و حجاب انکیز بر
صورته کوستروب طور ماقده در . « غزوه » لر
« سن بارتلمی » لر ، اهل صلیب سفرلری الخ . هیچ ده

[*] پیام صباح غزوه سنده درج ایدلشد